

IBhayibhili Labantwana Lisinika

Umkhokheli
weThempele
uvakatshela
uJesu



Kubhalwe ngu: Edward Hughes

Kudwetshwe ngu: Byron Unger; Lazarus
Alastair Paterson

Kucubungulwe ngu: M. Maillot; Sarah S.

Kutolikwe ngu: Martina Sithole


Kuvezwe ngu: Bible for Children
www.M1914.org

©2024 Bible for Children, Inc.

Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.




Kwathi ngelinye ilanga uJesu wavakatshela
iThempela, wathola abantu besenza izinto
ezingahloniphekiyo endlini yeNkosi.
Babethengisa inyamazana njalo betshintsha
imali phakathi kweThempela!



UJesu weluka uswazi, wabaxotshela phandle kweThempela. "Khuphani konke lokhu," kwatsho uJesu. "Lingayenzi indlu kaBaba ibe ngumsika." UJesu wayeyithanda iNdlu kaBaba wakhe.






Abakhokheli bacela isitshengiselo sokuthi uJesu engabe wayelemvumo yokuxoxa abantu eThempeleni.

“Bhidlizani iThempeleni mina ngizakuliyakha njalo emva kwamalanga amathathu,” waphendula uJesu. Ngeke kwenzekel! IThempela lathatha iminyaka engamatshumi amane lesithupha ukuze liphele ukuyakhiwa.



Kodwa uJesu wayekhuluma
ngomzimba wakho.
NjengeThempele, umzimba
wakhe wawuliThempele
likaNkulunkulu. Loba
uJesu wayezakufa
esiphambanweni,
uNkulunkulu wayezamvusa
kwabafileyo ngelanga
lesithathu.





Ebusuku, omunye
wabakhulu
beThempele
wavakatshela
uJesu. Wakholwa
ukuba uJesu
uthunywe
nguNkulunkulu
ngenxa yezimanga
ayezenza.
UNikhodimasi
waziveza kuJesu
ukuba afunde
okunengi
ngoNkulunkulu.





UJesu wamlayela uNikhodimasi
ukuthi abantu kumele
bazalwe kutsha ukuze
benelise ukungena
embusweni
kaNkulunkulu.
UNikhodimasi kazange
akuzwisise lokhu.
Kwenzakala njani
ukuthi indoda endala
izalwe kutsha?
Kungasenani,
wayengumfundisi.
Kambe kungabe kungenelanga
ukutshelwa lokhu?





“Lokhu okuzelwe ngokukaMoya kunguMoya,” wachasisa uJesu. “UMoya kaNkulunkulu unjengesavunguzane. Abantu kabasiboni kumbe basizwise isavunguzane. Abakubonayo yikuthi isavunguzane siyangaphi.”






UJesu wamkhumbuza uNikhodimasi ngabantwana be Israyeli ababekhona kuMose kudala. "Asila kudla, asila manzi, njalo siyakuzonda ukudla esikunikwa nguNkulunkuli," batsho bekhala.



Izono zabantu laba zazondisa uNkulunkulu. Wathumela inyoka ezesabisayo. Inyoka zabaluma abantu. Abanengi bafa.




"Siwonile. Thandazani ukuthi uNkulunkulu akhiphe inyoka lezi," abantu bangcenga. Ngokunjalo uMose wathandaza. Kodwa uNkulunkulu akazange azikhiphe lezonyoka.



UNkulunkulu watshela uMose ukuthi alungise inyoka ngensimbi ayifake esigodweni. "Wonke umuntu ozalunywa yinyoka uzaphila nxa engagijima ayokhangela inyoka leyo esesgodweni," wabathembisa uNkulunkulu. UMse walungisa inyoka yensimbi njalo abayikhangelayo basila.





UJesu wamtshela
uNikhodimasi ukuthi

iNdodana kumele
iphakanyiswe njengenyoka
leyo. UJesu wayekhuluma
ngesiphambano lapho
ayezafela
izono zethu.





UJesu wathi,

“UNkulunkulu walithanda ilizwe kangaka waze wanikela iNdodana yakhe eyiyo yodwa ukuze kuthi loba ngubani okholwa kuyo angabhubhi, kodwa abe lokuphila okungapheliyo.”





Lokhu kutsho ukuthi
loba ngubani okholwa
kuJesu uzalwa
kakutsha emulini
kaNkulunkulu.



Kungenzeka ukuba uNikhodimasi akazange aphenduke
abe ngumnfundi kaJesu ngalolo suku. Kodwa ke emva
kweminyaka ethile, uNikhodimasi
watshengisela ukuthi wayemthanda
njalo emkholwa uJesu lokho
wakutshengisela ngokungcedisa
ekungcwabeni uJesu
esebethelelwe.



Ngemva kwalokho, uJesu labafundi bakhe balungiselela uhambo lokuya eNyakatho. Abantu bakhonale kwakumele labo bazwe ngoMbuso kaNkulunkulu, bathole ithuba lokukholwa kuJesu waseNazaretha, iNdodana kaNkulunkulu.



Umkhokheli weThemphele uvakatshela uJesu
Indaba evela elizwini likaNkulunkulu, iBhayibhili
itholakala ku

UJohane 2-3, INani 21

"Isango lamazwi akho lunika ukukhanya."
Amahubo 119:130



Isiphetho



Indaba leyi eyeBhayibhili isitshela ngokubukeka
kukaNkulunkulu owasidalayo njalo ofuna wena ubemazi.

UNkulunkulu uyakwazi ukuthi senze izinto ezimbi,
lezo azibiza ngokuthi yizono. Umjeziso wesono yikufa, kodwa
uNkulunkulu uyakuthanda kakhulu okokuthi Wakuthumela iNdodana
yakhe, yona eyiyo yodwa, uJesu, ukuze afele esiphambanweni
ejeziselwa izono zakho. UJesu wasevuka kwabafileyo wahamba ekhaya
eZulwini! Nxa ukholwa kuJesu njalo umcele ukuba akuthethelele izono
zakhe, Uzakwenza lokho! Uzabuya ahlale ngakuwe,
lawe uzahlala Laye ngokunaphakade.

Nxa ukholwa ukuthi lokhu kuliqiniso, tshono lokhu kuNkulunkulu:
Kuwe Jesu, ngiyakholwa ukuthi UnguNkulunkulu, njalo wabangumuntu
ukuze ufele izono zami njalo kathesi Uyaphila ngokunjalo. Ngicela
ungene enhlizweni yami ungithethelele izono zami, ukuze ngibe lempilo
entsha kathesi, kwelinye ilanga ngihambe ngiyokuba Lawe
ngokunaphakade. Ngiyacela ukuba ungingcedise ngiKuhloniphe
ngiKuphilele njengomntwana Wakho. Amen.

Funda iBhayibhili njalo ukhulume loNkulunkulu
nsukuzonke! Johane 3:16

